



partii naleraq

14. oktober 2015

UKA2015/103

Inatsisartut suleriasianni § 33 naapertorlugu aaliangigassatut siunnersuut imaattoq matumuuna Peter Olsenip saqqummiuppaa:

**Kalaallit ujaraataasa erlinnartut uppersaatigisinnaasannik periarfissanik assigiin-ngitsunik nassuiaasioqqullugit kingusinnerpaamik UPA 2016-mi saqqummiunne-qartussamik Naalaakkersuisut peqquneqarnissaannik Inatsisartut aaliangiiffigisas-saattut siunnersuut.**

(Inatsisartunut ilaasortaq Peter Olsen, Inuit Ataqtigii)

Partii Naleqqamiit siunnersuuteqartoq ugguuna isumaqatigisinnaavarput, kulturitsinnut pingaarutilittut inissimanikuunngikkaluaq siulitta aatsitassaq qanoq ulluinnarni pisariaqartitsinertik tunngavigalugu atornissaat ilisimasimavaat atorluatarlugillu. Aamma siunnersuutaataa tunngavia partii Naleqqamiit tamakkiisumik isumaqatigivarput.

Tassami oqarneratuut nunarsuatsinni ujaqqat erlinnartut tunisaanerit annertusiartuinnarpoq aammalu massakut nunarsuarput taama isikkoqarallartillugu ujaqqat erlinnartut immikoortinneqartalernikuullutik "ipilittut" "ipeqanngittutullu". Imatut paasillugu nunani anngiortumik aammalu nunaqavissut ilaatigut uukapaatillugit akikinaarujussuarlugit tuniniakkat, imaluunniit nunani kisermaassilluni aquneqartuni ujaqqat erlinnartut "ipilittut" taallugit tunineqarnaveersaarnissaat anguneqartarpoq, tamakkiinngikkaluamik, iluaqtaasumilli.

Uagut nunarput kikkut tamat oqartussaaqataanerit tunngavigalugu ingerlatsisoq tunisaqarnissaminut ajornartorsiuteqanngilaq, tamannalu qulakkeerneqartariaqarpoq siunnersuuteqartutuut uppersaaserlugit, aammali siunnersuuteqartutuut Partii naleqqamiit ersarissumik oqaatigereeraluarippit isumaqataalluta eqqaaqqitsigu 2009-mi aatsitassarsiornermi inatsisip inuiaqatigiit kalaallit pisuussutinik piginnittut iluanaarnissaata inatsisip nutarterneratigut qulakkeernissaat siuentaralugu allanngortittariaqarparput, tassani pisuussutitta uumassusillit qanoq inuiaqatigiit tamarmiulluta iluaqatigisimanngitsigisimanerata takutiinnarpaa tamanna qanoq pingaaruteqarluinnaqqinnaartigisoq, inatsisillu aamma nutarterneqarneranut ilanngullugu paatsoorneqarsinnaanngitsumik inissittariaqarparput aatsitassarsiorneriarlutik qinnuteqartut piginnittuisalu nunarsuarmioqatitsinnik uukapaatitsiniartutut pisuussutinik atonerluisuunngitsutut aammalumi pinerluuteqarsimanngitsutut inissimasuunissaat qulakkeerneqartariaqarluinnartut ilanngimmassuk.

Uani taamaasilluni tapersornartumik anguneqassooq naleqarnerulersitsineq tunaartaralugu aammalu erlinnartuusiit nunatsinneersuunerat "ipeqanngittuunerat" ataatsikkut qulakkeerlugu anguneqassammat.

Pisuussutitsinnillu kalaallit iluanaarnerpaajunissatsinnik kialluunniit siunertaqartup una siunnersuut assortorsinnaangilaa.

Taamatut oqaaseqarluta siunnersuutip aappassaaneerneqannginnermi aatsitassarsiornermi ataatsimiititaliami suliarineqarnissaa innersuussutigaarput

Qujanaq